

JAKOBONÊ papia

Jakobonê papia nec ñac tau gêjac lau buña nêñ kôm to nêñ lêñ ñagôlin gwalêkin sa. En keto bin tau gêjac gôlôac tapaôngeñ ñawae kêtôm en awa gêjac Anôtônê lau, tañ sêñg ñ kêsî-k sigen ança nom ñagamêñ samob nañ. Ñac-ketowaga gebe epen lau buña nêñ kauc lasê êpi nêñ ñalêlôm to nêñ lêñ, tañ gêjac êsêac ñawae nañ, tec kêwaka nê ñagôlin sa keto ñalô totau-totau gêjam dani ma keto bingôlin to ñadônđôn gêwiñ-gêwiñ e ñam gêc awê ñjam. Lau buña nêñ ñagôlin tonañ kêkwa bin tonec ñai gebe lau tolêlôm to lau ñalêlôm sawa ma lêtôm to lêñ mansañ ma tatu kasec to takêñ êwiñ ma dangôm ñanô êsaña to tajop imbelen ma mêtê tokauc to binjalom ma tenbelen aêgen to dambu tauñña ma tatoc tauñ sa to daê bin tôn ma tapuc tauñ tônña to taten mec.

Jakobo keto papia tonec kêkac lau buña ñajanagen gebe dangôm Mêtê ñanô êsa, ec dawa nêñ takêñ gêwiñ sa ña nêñ lêñ to nêñ kolen ênêc awê êndên lau sêlic êpi matenânô.

Nadênan

1. Gêjac m nê papia 1:1
2. Takêñ gêwiñ to tajala binña 1:2-8
3. Lau ñalêlôm sawa to lau tolêlôm 1:9-11
4. Saê to lêtôm 1:12-18
5. Tañô mêtê ma gacgen dangôm ñanô êsa 1:19-27
6. Tapuc lau ñam atom 2:1-13
7. Takêñ gêwiñ gêjac ñakolen ñawae 2:14-26
8. Tajop imbelen ñapepña 3:1-18

9. Tajop taun êndên maten katu gêñ nomñaña
4:1-5:6

10. Njagôlin toê-toê njagêdô 5:7-20

Jakobo awa gêjac lau

¹ Anôtô agêc Apômtau Jesu Kilisi nêñ sakinwaga aê, Jakobo, aoc gêjac gôlôac 12, tañ sêngôn kêsikêsigen anga nom njagamên samob nañ.

Bin kêpi takên gêwiñ to tajala binja

² O ñoc lasitêwaac, Iêtôm tokain tokain embe êtap amac sa, go alic amboac gêñ têtac njam ña teñ. ³ Amac ajalagac gebe gêñ, tañ kêsâê amacnêm akên gêwiñ nañ, gêgôm amac aôc gêñwapac totêtac kêpa sugen. ⁴ Aôc gêñwapac totêtac kêpa sugen tau ênam ñanô amboac tonec gebe ênac dabin amac e atu kwalam lanjwa ma apô lêna gêñ teñ atom, ⁵ mago amacnêm teñ embe êpô lêna kauc mêtêña, nañ eteñ êndên Anôtô ma êkên êndên en, gebe Anôtô kêkên gêñ gêdên lau samob totêtac wapômgen ma kêgamin teñ atom. ⁶ Mago ñac tau eteñ toêkên êwiñgen, eteñ totêtac lulu atom, gebe ñac-têtac-luluwaga kêtôm gwêc ñadembom, tañ mu gêli sa e ñakoton-koton kêsâ nañ. ⁷ Ñac amboac tonañ taê êka gebe êkôc gêñ teñ anga Apômtaunê atom. ⁸ En ñac ñalêlôm-gêja-luwaga ma kêsâ nê lêt samob lulusawa.

Lau ñalêlôm sawa to lau tolêlôm

⁹ Lasimi ñalêlôm sawa êlanem tau gebe Anôtô ketoc en sa. ¹⁰ Ma ñac tolêlôm êlanem tau êtu Anôtô kêkônin enña, gebe en oc ênaña êtôm gêgwan ñaola. ¹¹ Oc kêpi tonandanjen ma kêsêgô gêgwan e ñaola

kêsêlô ma talic ñakatu masi. Ñac tolêlôm amboac tonan. En ênaña anğa nê kôm ñaluñgeñ.

Saê to letôm

¹² Aê aoc êôc ñac, tañ gêôc saê totêtac kêpa sugen. En êwaka tau sa su acgom, go êkôc êngôn mata jali ñasunsun, tañ Anôtô gêjac mata gêdên lau-têntac-gêwiñ-enwaga nan. ¹³ Ñac ten embe lêtôm êtap en sa, nan êsôm gebe “Lêtôm tonec anğa Anôtônê” nec atom. Sec kêtôm gebe êlêtôm Anôtô atom. Ma Anôtô tau kêlêtôm ñamalac ten atom. ¹⁴ Lêtôm ñam kêsêp ñamalac tau nê têtac kalac, tañ kêkac to kêlêtôm en nan. ¹⁵ Têtac kalac embe taê, go êsu ñalatu sec. Sec tau embe ênac dabiñ tau su, go êsu ñalatu gêmacanô.

¹⁶ O ñoc lasitêwaace, êkêli taôm atom. ¹⁷ Gêñ ñajam samob, tañ sêkên gêdên amac to gêñ ñanô samob, tañ atap sa nan, gêmên anğa lólôc. Gêñ tau kêsêp gêmên anğa ñawê ñataunê. En gêjam tau ôkwi atom ma en gêjam kanuc atom amboac tonan. ¹⁸ En taê gêjam kêtû tôñ, tec kêkên nê biññanô kêka aêac lasê gebe tatu gêñ samob, tañ en kêkên nan ñañamata.

Tañô mêtê to dangôm ñanô êsa

¹⁹ O ñoc lasitêwaace, taêm ênam biñ tonec gebe ñamalac samob sênô biñ ñagaôgen acgom, ma sêsôm biñ malô-malôgen to têtac ñandan sebeñ-sebeñ atom amboac tonan, ²⁰ gebe ñamalacnên têtac ñandan gêjam Anôtônê biñgêdên sa atom. ²¹ Amboac tonan akac ñatêmui to sec totau-totau su ma akôc mêtê, tañ Anôtô kêsê kêsêp amacnêm ñalêlôm nan sa. Mêtê tonan kêtôm gebe ênam amac katôm kêsi, tec akôc sa tonêm ñalêlôm malôgen.

²² Embe anô mêtê ñaômagen, oc ansau taôm, anjôm mêtê tau ñanô êsa acgom. ²³ Ñac tenj embe êñô mêtê ñaômagen ma êñgôm ñanô êsa atom, nanj êtôm ñac, tanj kêsala lanjôanô kêsêp tasalakatu nanj. ²⁴ Enj kêsala tau su, go gec gêja ma kêlinj lanjôanô ñakatu sinj sebenj. ²⁵ Mago ñac, tanj êtuc kêniñ êsêp binjsu ñanô tau, tanj kêgaboac aêac su nanj, ma êsô ñalabu êmoa to êñô binj e êlinj sinj êtiam atom, êñgôm ñanô êsa nanj, Anôtô oc ênam mec ênê kôm samob.

²⁶ Ñac tenj embe taê ênam gebe ênam sakinj Anôtô, mago ênam gôlinj imbêla atom, oc ênsau tau ma nê sakinj Anôtôña êtu gêñ ñaôma. ²⁷ Sakinj ñawa to mansañ, tanj Tamenj Anôtô gêlic gêjac mataanô ñajam nanj tonec gebe tanac mosêbu to awêtuc, tanj sêmoa jageo nanj, kêsi to tanjgaminj taunj êndêñ genj ñatêmui nomja.

2

Tapuc lau ñam atom

¹ O ñoc lasitêwaac, amac akêñ gêwiñ aêacnêñ ñawasi Ñatau Jesu Kilisi, tec apuc lau ñam atom, alic samob têtôm taunjenj. ² Ñac tenj togêlônj gold ma tonjakwê ñawasi embe naêsô nêma akac sanja êna, ma ñac ñalêlôm sawa tenj tonjakwê kômña embe êsô êna amboac tonañ, ³ ma amac matem êndinj ñac tonjakwê ñawasi e asôm gebe Ôñgônj lêpônj ñajam tonec,” ma asôm êndêñ ñac ñalêlôm sawa gebe “Naôkô ônê” me “mêñôñgônj masac êsi ockainja,” ⁴ embe anjôm amboac tonañ, oc awa lau êkôc atom me. Ma atu mêtôcwaga, tanj taênj gêjam binj keso nanj atom me.

⁵ O ñoc lasitêwaace, aṅô acgom. Anôtô kêjalij êsêac, taṅ lau nomṅa sêlic amboac lau ṅalêlôm sawa naṅ sa, gebe têtû lau tolêlôm sêkêṅ gêwiṅṅa ma sêwê kainṅ gamêṅ, taṅ eṅ gêjac mata gêdêṅ lau-têntac-gêwiṅ-eṅwaga naṅ. ⁶ Ma amac abu ṅac ṅalêlôm sawa. Asa lau sêkônij amac. Asa lau sê amac jaakô mêtôcwaga laṅṅnêṅṅa. Lau tolêlôm goc. ⁷ Lau tonaj sêsôm biṅ alôb-alôb kêpi ṅaê ṅajam, taṅ Anôtô kêkêṅ gêdêṅ amac naṅ.

⁸ Amac embe aṅgôm biṅsu, taṅ aêacnêṅ Kiṅ kêkêṅ gêdêṅ aêac kêtôm teto gêc naṅ, ṅanô êsa, go ṅajam. Biṅsu tau tonec gebe “Têmtac êwiṅ lau wachaj aôm amboac têmtac gêwiṅ taôm.” ⁹ Mago amac embe apuc lau ṅam, go aṅgôm sec ma biṅsu êmêtôc amac amboac lau-sêgêli-biṅsuwaga. ¹⁰ ṅac taṅ kêmasaj biṅsu samob, mago kêgêli tagenṅeṅ naṅ, kêtôm gêgôm samob popoc. ¹¹ ṅac taṅ kêsôm gebe “Ôṅgôm gêṅ mockainṅo to mockainṅa atom” naṅ, kêsôm teṅ gêwiṅ gebe “Ônac ṅamalac êndu atom.” Ma aôm embe ôṅgôm mockainṅ atom, mago embe ônac ṅamalac êndu, naṅ kôgêli biṅsugac. ¹² Amboac tonaj asôm nêṅ biṅ to aṅgôm nêṅ gêṅ atôm lau, taṅ Anôtô oc êmêtôc êsêac êndaṅguc biṅsu, taṅ kêgaboac êsêac su naṅ. ¹³ Ma êndêṅ mêtôc tonaj Anôtô taê walô êsêac, taṅ taêṅ walô lau atom naṅ atomanô. Mago ṅac, taṅ taê walô lau naṅ, oc êtêc mêtôc tonaj atom.

Takêṅ êwiṅ to ṅakoleṅ ṅabinṅ

¹⁴ O ñoc lasitêwaac, ṅac teṅ embe ôsôm gebe “Aê kakêṅ gawij,” mago eṅ ṅac koleṅ atom, oc ênam eṅ sa amboac ondod. Ênê kêkêṅ gêwiṅ oc ênam eṅ kêsi me masi. ¹⁵ Embe lasimi me lasimio teṅ nêṅ

ņakwê masi me sêpô lêna mo kêtôm bêcgeņņa ¹⁶ ma amacnêm teņ embe êsôm êndêņ êsêac gebe “Ana tobiņmalôgeņ, asô nêm ñakwê sa êjandanĵ amac to aniņ nêm gêņ,” mago akêņ gêņ êôc êsêac ôliņ tôņņa teņ êndêņ êsêac atom, oc ênam êsêac sa amboac ondoc. ¹⁷ Biņ takêņ gêwiņņa amboac tonanĵ. Embe takêņ êwiņ, mago tanam ñakoleņ êwiņ atom, oc takêņ gêwiņ tau êtu gêņ mêtê ñaôma.

¹⁸ Ma ñac teņ embe êsôm gebe “Aôm kôkêņ gêwiņ ma aê gajam koleņ,” go jasôm gebe “Ôtôc nêm kôkêņ gêwiņ, taņ ñakoleņ masi naņ, êndêņ aê, go aê jatôc ñoc koleņ, taņ êwaka ñoc kakêņ gêwiņ sa naņ, êndêņ aôm.” ¹⁹ Aôm kôkêņ gêwiņ gebe Anôtô tagenĵ tec gêmoa me. Nĵjam. Mago ñalau sec sêkêņ gêwiņ biņ tonanĵ amboac tonanĵeņ ma têtêc taunĵ ñanô. ²⁰ O melocma, aôm gobe takêņ gêwiņ, taņ ñakoleņ masi naņ, gêņ ñanômêgoc. Aôm gobe aê jawa biņ tau ñam sa êndêņ aôm me. ²¹ Aêac abeņi Abraham amboac ondoc. Gêdêņ taņ eņ kêkêņ latu Isak kêtû da gêsac altar ñaô naņ, Anôtô gêlic eņ ñac gêdêņ kêtû ênê koleņ tonanĵņa. ²² Kec, aôm gôlicgac gebe eņ kêkêņ gêwiņ ma gêjam ñakoleņ ulu kêtômgeņ, tec sêjam taunĵ sa, tec nê koleņ gêjac dabiņ nê kêkêņ gêwiņ su. ²³ Ma biņ, taņ teto gêc naņ, kêtû anô gebe “Abraham kêkêņ gêwiņ Anôtô, tec Anôtô gêlic eņ ñac gêdêņ” ma sêsam eņ gebe Anôtônê ñac. ²⁴ Kec, amac alicgac gebe ñamalac êtu ñac gêdêņ êtu nê koleņņa, êtu eņ kêkêņ gêwiņņa tagenĵ nec atom. ²⁵ Mockaiņo Rahab kêtôm tonanĵ. Eņ kêkôc kelenwaga sa ma kêkêņ êsêac sêsa intêna teņ sêja. Tec Anôtô gêlic eņ awê gêdêņ kêtû ênê koleņņa. ²⁶ Aêac ôliņ embe ñalau masi, oc êtu mêtê.

Ma aêacnêḡ takêḡ gêwiḡ embe ḡakolenḡ masi, oc êtu mêtê amboac tonanḡenḡ.

3

Binḡ kêpi imbelenḡ

¹ O ḡoc lasitêwaac, amacnêḡ taêsam têtü kêdônḡwaga atommanḡ. Alic acgom, aêac kêdônḡwaga oc atap mêtôc ḡajaḡa sa êlêlêc lau ḡagêdô nêḡ mêtôc su. ² Aêac samob dagôm keso elêḡê. Tenḡ embe êsôm binḡ tenḡ eso atom, nanḡ enḡ ḡac kwalam lanḡwa tenḡoc ma êtôm gebe ênam gôlinḡ nê ôli samucḡenḡ ḡapeḡ amboac tonanḡ. ³ Aêac embe takêḡ gôlinḡ êsêḡ hos awenḡsunḡ gebe tanḡenḡ wamu aêac, go tanam gôlinḡ bôc tau ôlinḡ samucḡenḡ êwiḡ. ⁴ Alic wanḡ acgom. Gêḡ tau kapôêḡnanô ma mutêna gêḡgônḡ lac ḡajaḡa sec, mago ḡagôlinḡ saunḡ ec tenḡ gêḡjam gôlinḡ wanḡ tau kêtôm ḡac gôlinḡḡa taê gêḡjam. ⁵ Aêac imbelenḡ amboac tonanḡ. Ôlinḡ ḡagêḡḡlêlôm saunḡ tenḡ, mago kêlanem tau gêḡḡ kapôêḡḡa.

Alic acgom, ja ḡamôsi saunḡ tenḡ kêtôm gebe êkêḡ ja êniḡ oba kapôêḡ tenḡ. ⁶ Imbelenḡ kêtôm ja amboac tonanḡ, ḡenḡ geo gêḡjam imbelenḡ auc samucḡenḡ. Imbelenḡ tau ôlinḡ ḡagêḡḡielôm tenḡ, tanḡ gêḡgôm ôlinḡ samucḡenḡ ḡatêḡmui kêsa nanḡ. Lamboam ḡakêlêḡndinḡ tau ḡaja kêpoa anḡa imbelenḡ, tec imbelenḡ ḡaja ḡenḡ gêḡḡ samob, tanḡ Anôtô kêkêḡḡ nanḡ, ma gesenḡ ḡalêḡ su gêwiḡ. ⁷ ḡamalac têtôm gebe senḡenḡ gêḡḡ materḡ jalinḡ tokainḡ-tokainḡ nanḡ sêgôm su. Bôc salenḡḡa to moc ma gêḡḡ kêgalabḡḡa to i têtü malô e têtü gêḡḡ masinḡ. ⁸ Mago ḡamalac tenḡ kêtôm gebe êḡḡgôm imbêla êtu gêḡḡ masinḡ atomanô. ḡenḡ sec tau oleb-olebboa to ḡamalac tamac êḡḡduḡa gêḡjam auc. ⁹ Aêac

talambin Apômtau to Tamenji na imbelen ma tapuc boa namalac, tan Anôtô kékêñ kêtôm en tau katu nan, na imbelen tagen tonan amboac tonanjen. ¹⁰ Bin lambinja to bin tapuc boanja kesa awensun tagen. O lasitêwaac, bin amboac tonan êsa atom-anô. ¹¹ Bu naluc to namakic kêpulu kêpi bumata tagen me. ¹² O noc lasitêwaac, jambô oc ênam ain me, ma wain oc ênam jambô me. Ma gwêc oc ênam tau ôkwi êtu bu atom amboac tonan.

Kauc undambêña

¹³ Asa nac tokauc ma nac mêtêña gêmoa gêwin amac. En êwaka tau sa na nê lên njam to nê kolen, tan gêjam tokauc mêtêña ma tonê nalêlôm malôgen nan. ¹⁴ Mago amac embe anam lêmun lau jawao to asac lau ênêc lêlômgen, nan atoc taôm sa ma ansau bin dansan e ansen binjanô tau su atom. ¹⁵ Kauc tonan kêsêp anja undambê gêmên atom, kesa anja nom to gen nomna ma nalau sec nên. ¹⁶ Lau tan sêjam lêmun tau to sêsac tau nan, oc semoa naeo ma sêngôm sec tokain-tokain. ¹⁷ Mago kauc mêtêña, tan lau sêkoc anja ôña nan, êngôm nên nalêlôm nawa êsa êtu namata. Go sê wama tau njagaogen, têtû lau malô, tanen wamu, taên walô lau ênam êsêac auc ma sênam nanô njam. Êsêac têtac lulu atom ma sêka nên bin auc atom. ¹⁸ Nawê tan lau-sê-wamawaga sêsê to bin malôgen nan, ênam nanô bin geden.

4

Tajop tau êndên lên nomna

¹ Amac akên kisa gêdên taôm to ajac taôm nan nam kêsêp asagen. Kêsêp gên têtac njalacna, tan

gêjac siñ aŋga ôlim ñagêñlêlôm nanɣoc. ² Amac matem katu gêñ, mago atôm gebe atap sa atom, tec ajac ñamalac êndu. Amac agôm mocsac gêñ, mago atôm gebe atap sa atom, tec ajac taôm to akêñ kisa gêdêñ taôm. Amac akôc gêñ atom, gebe aten mec atom. ³ Amac aten mec, mago akôc ñanô atom nec ñam kêsêp amac aten mec kesonja gebe aten gêñ, tañ abe êjaiñ êpi gêñ têmtac ñakalacñagen. ⁴ Mockaiñ ñatêna amac. Lau tañ sê sêlêb gêdêñ nom nañ, têtù Anôtônê ñacjo. Amac ajala biñ tonañ me masi. Ten embe ê sêlêb êndêñ nom, oc êtu Anôtônê ñacjo. ⁵ Me biñ, tañ teto gêc gebe “Ñalau tañ gêngôn aêacnêñ ñalêlôm nañ, gêjam lêmun to gêgôm mocsac ñanô,” amac abe teto biñ tonañ ñaômagen me. ⁶ Ma moasiñ, tañ Anôtô kêkêñ nañ, kapôên kêlêlêc. Amboac tonañ tec teto gêc gebe “Anôtô kêkônij lau, tañ tetoc taun sa nañ, ma kêkêñ moasiñ gêdêñ lau, tañ sêbu taun nañ.” ⁷ Amboac tonañ asô Anôtô ñalabu. Apuc taôm tôn êndêñ Sadañ, go êwi amac siñ ma êc su. ⁸ Atu gasuc Anôtô, go êtu gasuc amac. Amac lau sec, akwasij lememe êtu selet. Ma amac lau-têmtac-luluwaga, amansañ nême ñalêlôm ñawa êsa. ⁹ A jala taôm gebe aŋgôn jageo ma nême ñalêlôm ñawapac to atañ. Amacnême ômac ênam tau ôkwi êtu tanjiboa ma têmtac ñajam êtu têmtac ñawapac. ¹⁰ Ambu taôm êndêñ Apômtau, go etoc amac sa.

Amêtôc nême lasitêwai atom

¹¹ O lasitêwaac, aŋga biñ êpi taôm atom. Nac tañ ênga biñ êpi lasi me êmêtôc lasi nañ, êtôm gêga biñ kêpi biñsu to kêmêtôc biñsu. Aôm embe ômêtôc biñsu, go ôtu ñac-kêmasañbiñsuwaga atom,

ôtu biñsu ñamêtôcwaga. ¹²Ñac tagen kêtú ñac-kêkêñ-biñsuwaga to mêtôcwaga. Enj kêtôm gebe ênam kêsî me enseñ su. Mago aôm asa, tec kômêtôc ñac wacbañ aômña.

Atôc taôm sa atom

¹³Ao, amac lau, tañ asôm gebe “Galoc me elen aêac oc tana malac tônê me ônê nadañgôn jala samuc teñ ma tatulu gêñ e ñamone êlêsuc aêacgeñ.”

¹⁴Amac ajam kauc gêñ, tañ oc êñgôm amac êndên elen nañ. Amac oc amoa matem jali me masî. Amac atôm bu ñawajaô, tañ talic dambêgeñ ma gê su.

¹⁵Asôm biñ amboac tonec êjô biñ tônê su gebe “Apômtau embe êlôc, go aêac tamoã maten jali ma tanam kôm tonec me tônê.” ¹⁶Mago galoc alanem taôm to atoc taôm sa. Lanem tokaiñ-tokaiñ amboac tonañ samob sec. ¹⁷Ñac tañ kêjala êñgôm gêñ ñajamña, mago êñgôm atom, oc êñgôm sec.

5

Lau tolêlôm taêñ ênam tauñ

¹Ajôc, amac lau tolêlôm, atañ to apuc tañjboa sa êtu gêñwapac, tañ wackêdabiñ amac nañña.

²Amacnêm awa kêtú manê to bulesen geñ nêm ñakwê e lasê-lasêgeñ. ³Da gênôm amacnêm gold to silber. Ma ñada tau tonañ oc êkic amacnêm biñ e êniñ amac ôlim su êtôm ja geñ gêñ. Amac ajac awa to awa sa gêdên bêc ñamuña tonec.

⁴Alic acgom, amac agamiñ lau, tañ sêjam amacnêm kôm nañ, nêñ ñaôli, tec ñaôli tau gêmôêc to lau-sejoñ-kôm-ñano-sawaga nêñ tañi jakêsô siñwaga undambêña nêñ Apômtau tañasun. ⁵Amac amoasiñ taôm toôlim kêpigen amoa nom. Amac añgeñ nêm ñalêlôm e

ɲadambê kêsa ma kêtôm gebe sêɲɲuɲ amac êndêɲ ɲanoc. ⁶ Amac amêtôc ɲac gêdêɲ to ajac eɲ êndu ma eɲ gêjam tau ɲagêjô gêdêɲ amac atom.

Tapuc tauɲ tônia to tateɲ mec

⁷ O lasitêwaac, amboac tonanɲ apuc taôm tôniaɲ ma êônia Apômtau e mênêô lasê. Alic kôm ɲatau acgom, eɲ kêsaê gebe kôm ênam ɲanô ɲajam ma kêpucc tau tônia to gêônia kom gebe ênac êndêɲ ɲanoc. ⁸ Amac apuc taôm tônia amboac tonanɲeɲ ma aônia anac seɲeɲ nêm ɲalêlôm gebe noc Apômtau mênêô lasêɲa kêdabinɲ. ⁹ O lasitêwaac, anac kapoac taôm e atap mêtôc sa atom. Alicgac me, mêtôcwaga tec mênkêkô katamdêmôê. ¹⁰ O lasitêwaac, aôc ɲandanɲ to apuc taôm tôniaɲeɲ apuc propete, taɲ sêsôm binɲ sêjam Apômtau lanô nanɲ wanɲeɲ. ¹¹ Alic acgom, aêac awenɲ gêôc êsêac, nanɲ sêôc gêɲwapac totêntac kêpa sugenɲ nanɲ. Amac anô Job gêôc ɲandanɲ totêtac kêpa sugenɲ ɲawae, ma ajala Apômtau gêjac dabinɲ eɲ ɲalêɲgac. Binɲanô, Apômtau eɲ taê walô to taê labu ɲatau.

¹² O lasitêwaac, binɲ tonec ajop êtu ɲamata gebe atôc lememe atom. Atôc lememe êpi undambê to nom me gêɲ ɲagêdô teɲ atomanô. Amac embe asôm gebe “Aec,” nanɲ aêc tonanɲ kêtôm. Me embe asôm gebe “Masi,” nanɲ masi tonanɲ kêtôm amboac tonanɲeɲ. Anɲôm amboac tonanɲ, ec mêtôc êtap amac sa atom.

¹³ Amacnêm ɲac teɲ embe gêɲwapac êtap eɲ sa, nanɲ eteɲ mec. Ma teɲ embe têtac ɲajam, nanɲ ênam wê dêbuɲ. ¹⁴ Amacnêm teɲ embe gêmacc êɲgôm eɲ, nanɲ êkêɲ binɲ gôlôac dabuɲ nêɲ laumata. Êsêac teteɲ mec êpi eɲ to sêniɲ oso eɲ ɲa niptêkwi sênam

Apômtau lanô. ¹⁵ Mec tonan embe tetenj tosêkên êwiŋgenj, go ênam ŋac gêmac tau sa. Ma Apômtau oc êsunj enj sa êngôŋ êtiam, ma ŋac tau nê sec embe ênêc, oc Apômtau êsuc sec tau ôkwi. ¹⁶ Amboac tonan aoc nêsec lasê êndênj taôm ma atenj mec êjô tau êtu taômŋa gebe ôlim ŋajam êsa. Ŋac gêdênj nê mec gêjam ŋanô tonac lai. ¹⁷ Elia enj ŋamalac kêtôm aêac. Enj ketenj mec gebe kom ênac atom, tec kom gêjac atom kêtôm jala têlêac ma ajônj 6. ¹⁸ Go ketenj mec kêtiam ma undambê kêkênj kom e nom gêjam ŋanô ŋajam.

¹⁹ O lasitêwaac, amacnêsec tenj embe eo anja lênj biŋŋanôŋa ma tenj embe ênam enj ôkwi êmu êmênj, ²⁰ go ajala gebe ŋac, tanj gêjam ŋac sec ôkwi anja ênê lênj keso nanj, oc ênam ênê katu kêsî anja gêmacanô tau ma êngênduc sec taêsam auc.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 21 Feb 2024 from source files dated 31 Aug 2023

447e01c5-a375-5452-ae54-b3f890293eeb